

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

Quænamars sit Rhetorica Ecclesiastica, & quale sit officium oratoris. Cap.
III.

[urn:nbn:de:hbz:466:1-69050](#)

DE RHETORICA ECCLES.

bæreses extinguunt, seditiones sedat, concordia pariunt, leges prescribunt, confirmant, ac etiam imprimunt in animis hominum; ita ut verè sine tyrannide dominentur, & meritò ministri Dei, internuncijs, Angeli, Christi legati appellari possint. quibus nominibus iure nominantur Apostoli, et qui in Apostolico munere dicendi, sine fuga & ostentatione versantur.

Quænam ars sit Rhetorica Ecclesiastica, &
quale sit officium oratoris.

Cap. III.

ARS autem, quæ Ecclesiastica eloquentiam, Christiano populo tam utilem, docet, Rhetorica Ecclesiastica appellatur: quæ est ars sive facultas inueniendi, disponendi, & eloquendi ea, quæ ad salutem animarum pertinent. Oratoris autem Ecclesiastici officium est, veritatem, arcana Dei aperire populo, docere pię & innocenter viuere, errores turpisimos, pestiferas superstitiones, pravaas consuetudines tollere, ad piam, veram, diuinamque sapientiam, Christianam religionem homines compellere, cognitione veritatis, qua nullus est suauior cibus, auditorum animos nutrire. Eius autem hic est finis propositus, persuadendo augerere regnum Dei, lucrari animas Christo, ornare sanctam Ecclesiam, minuere tyrannidem diaboli, animas Christi precioso sanguine redemptas, ad aeternam vitam & beatitudinem excitare. Pluribus verbis eandem ferè rem ex primitibus, officium & finem Ecclesiastici Oratoris explicauimus, vt teneris clericorum ingenij consulceremus. Porro felicitas sive beatitudo,

LIBER PRIMVS.

3

ritudo, iucundissimum & pulcherrimum nomen, est virtutis præmium, bonorum omnium abundantia, in visione ac fruitione Dei posita. Quamvis autem ante obitum nemo verè beatus appellandus sit; perspicuum tamen est, beatos dici quosdam peregrinos, qui ad iter conficiendum omnibus impedimentis sunt liberi; beatos quosdā nauigantes, cùm portum vident. Ita in huius vita peregrinatione inter tot fluctus, beatos humiles, Dei prouidentiam agnoscentes, & mentem suam inclinantes coram Deo; beatos mites, quorum anima ea dulcedine est prædicta, ut nulla eam possit amaritudo perturbare; beatos lugentes, quibus concessa est gratia vehementer dolendi ob peccata, quae fiunt, & ob bona, quæ fieri possent, & minimè fiunt; beatos iustitiam, maximè utilem illam & eximiam virtutem amantes, quæ bonitatis aut innocentiae nomine potest significari; beatos misericordes, aliorum calamitatibus dolentes, eisque succurrentes: item mundos corde, temperatos, castos, qui impuræ libidinis tyrannide liberi, angelicam vitam incipiunt degere, visuri Deum pulchritudinis, & omnium bonorū auctorē, beatos studiosos pacis, tantoq; & tam magno bono fruentes, quia nihil repugnat, quo minus se ipsi regentes, in periculosisstima huius mundi pugna vincant, & filij Dei & heredes, cœlesti bæreditate potiantur; beatos, quos mundus varijs modis exercet, quos vituperat, quos calumnij oppugnat, quia veritatem diligunt, & tuentur, quia gloriā Dei querunt, quia prodeesse hominibus exemplo student. Cuius peregrinationis nostræ beatitudines expressit verus magister, & Dominus Iesus Christus: easque explicans Ecclesiasticus Orator, facile demonstrabit, neq; in voluptate, neque in

B 5

dīm-

4 DE RHETORICA ECCLES.

diuitijs, neque in honoribus, neque etiam in scientia, neq;
demū in proprijs virtutibus, vt quidā philosophi putaue-
runt, collocandā esse felicitatem: sola esse bona, quæ bonos
homines efficiunt: bona corporis, valetudinē, pulchritudi-
nē, & bona externa, diuitias, honores, eatenūs esse bona,
quatenū illis rectē scimus vti. Verū quemadmodū me-
dicus, quamvis non sanet semper agrotum, est tamen ap-
pellandus bonus medicus, cūm adhibuerit omnia medica-
menta ad sanandum; itā fieri potest prauitate huius se-
culi, & peruersitate ingeniorum, vt audientes bonos con-
cionatores, parūm aut nihil etiam proficiant, cūm ipsi
tamen boni concionatores sint appellandi. Quod si ora-
tione sua consequetur Ecclesiasticus orator, vt, postquam
dixerit, tacita quadam voce loquantur inter se auditio-
res, & commoti, ac compunclī corde, dicant: Quid ergo
faciemus? quod beatissimo Apostolorum principi dicentis
concessum est, non minimum fructum se cepisse existi-
mabit. Vt autem in omnibus, quæ infra globum lunæ con-
tinentur, quatuor genera causarum facile est reperire:
in homine enim efficientes causas dicimus Solem, & a-
lium hominem; formam, animā, ratione præditam; ma-
teriam, corpus; finem, felicitatem. & in domo efficientem
causam, nominamus ædificatorem; formam, figurā ipsius
domūs; materiam, lapides, camenta; finem, defensionem
ab iniuria cali: itā, fine paulò antè explicato, effectorem
concionum, & bonarum omnium rerum, actionum, &
verborum, dicimus sanctum Spiritum, qui precibus inuo-
candus est; nam sine eius præsentii numine, inutiles sunt
omnes sermones, planè mortuae sunt conciones. Hanc rem
cūm nouisset sanctus Dominicus, interrogatus, qua ratio-
ne di-

L I B E R P R I M V S.

ne, dicendo auditores in sui admirationem traheret, & tot animas concionibus suis Christo lucraretur; ea, quæ dicebat, se reperire respondit in libello charitatis, in libello Spiritus sancti. Proximæ causæ efficiëtes, sunt labor & exercitatio. Forma in hoc est sita, ut aptè et congruerter dicatur ad populū; nam in scholis breuiter, acutè, & de rebus difficultibus agitur: ad populū verò copiosè, dilucidè, & de rebus in primis, ad virilitatem animarum spe- & tantibus, habendus est sermo, ità ut concionis forma, & eloquentia Christianæ vis, ac summa omnium præceptorum, quæ tradimus, B. Augustini verbis sit describenda, ut orator Ecclesiasticus ità dicat, ut intelligenter, obedienter, & libenter audiatur. De materia agamus.

Duplicem esse materiam huius artis: remotam, & proximam.

Cap. IIII.

MATERIA Ecclesiastico oratori subiecta, duplex est: remota, & proxima; remota continet omnia, quæ scripta sunt, ità ut quidquid ex philosophis, poëtis, historicis, oratoribus, ex omni scriptorum genere excerpti potest, ad utilitatem populi; id totum Ecclesiastico oratori, tanquam proprium, ab alijs usurpatum, subjiciatur. proxima verò materia, tribus dicendi generibus comprehendendi potest, Deliberatiuo, Demōstratiuo, & Iudiciali. Deliberatiuum genus est, quod in suatione & dissuasione versatur: cuius finis est utile. Demonstratiuum, quod in laudatione et vituperatione est positum: cuius finis est honestum. Iudiciale, in accusatione & defensione est situm: cuius finis est iustum. Utile, ut B. scribit Ambrosius,